




## *Ehindiskidj shkendan kajimosemgoc iye weshkiigidig anishnabe kanamagewin*

 madisiwin oji abinojish madodomeegwam kinamagewin ogi shkendan kajimosemgoc weshkotch . weshkotch kamosemgoc madodomeegwan ogi obwenjan minagik 150,000 anishnabec abanodjicek kajimosech omigwamkak aki. 1870's kithi ogima, ogi nagishkwan oji abinodjicek kinamagewini anishnabec kinamagewin, midish ewedi kagi madisek mekideni kanamagewin. Nijen mekideni kinamagewin ki majinjan aji agwa kidonastouc ou migwam mishkwisimagok anishnabe onakinegewin. Midish iwedi anishnabe onakinegewin kimanido tebwen kangi minisehsinon kiga mamwesidwen kagikakadich kidansajin anshinabe aninodjicek nogom dish nasadinaginok kagi manenjigech anishnabe aki. Midasimodna nishich nesidamodna dish nijen 132 kiwidokwaginyuk kinamagewin agi madisemgoc oma odikikac, kawin newfoundland, New Brunswick mamwi Prince Edward Island. Mane kinamagewin kagi oma gibijigadek mekindeni wigwam knamagewin mekideni wigwam. Kitchogima (canada) anishnabe aki ki maji odimta kanamagewin oma kagi majinan

abinodjicek adi emiamigwamkak ewasik aki kak. Mane kiachimaginok odemin kiminaginok emiamigwamkak kithi mane gegon ogi majidon ou jojom kak odada kak moshom kokom kak aki kak. Inuit mamwi metis anishnabemowen kangi kabendisin anishnabemowen kinamagewin kak. Oma nanda abinodjicek kinabowk oma madodomeegwam kinamagewin mamwi nanda gigiok.

Kichogima abamidineman adi kashicegech anishnabe madodomegwan kinamagewin wabshkee ogikendan anishnabe ogi maneniman anishnabec kagimadisiwin anishnabe onakinage mamwi anishnabemowen adsukewin kiogadon apich owesigendom anishnabec kagi gioshkwe manenjigewin ogwa ogiwidokwan abinodjicek kagi majinaginok omigwamkak.

Madodomeegwam kanamagewin kiabich ogigabadendan mananjigewin kidamosemgok anishnabe aki.

Tedago kamaskwisimagoc minagik 1000 kagi onakwi kido madisiwin kidanamodik kagi manenmagon. Kida nanakidgaton kadamaskwisimgoc

anishnabe omadisiwin. Kichi mane abinodjishec kanabasin ojam kinabok kagi nakajaginyuk kanwikat ogi kabendisin kagi manenjigech kichogima canada.

Kichogima oginasidwinan agwa kagikabidendok kagi manenjigech agwa ka da mino madisingin anishnabec. Apta kichogimak canada mamwi kina Canadians, gabasigwi, oma owedi anishnabe aki, kidagibidendok anishnabe oma madodowegwam kanmagewin.

80,000 abinojdish kanamgisich, mamwi kina omandem anshnabec aki, kichogima canada oginisidwinan kagi manashisnon kagimajonajin abinosjish omiegwamkak ogigabadendan dish kagi dodik. Nogom oginasidwinan agwa kagi minashik agi manenmagin abinodjishin anishnabe onakinagewin odimtawin omadisiwin aki omeigwamkak, ogigabidendan kadodiman. Nogom oginasidwinan kagi majinajin abinodjish aki omeigwamkak, nogom dish aji abinodjish kaja mino dijikech omeigwamkak kida anishnabe madisiwin, ogigabidendan ka dodik. Nogom dish oginasidwinan manenash, kiwe di ogi pasigwikidan nakachigewin kagi niganchimadisich, ogigabidendan agwa agi

nanagajitok. Ka gin eta kagi wisagendimin kagi nakajiagonich abinodjishec, agi kidada kijjojo, kagi miskwisimagosinon kagi nanagajech kanijanish agi manenimaginech, nagigabedendan.

Ojam kichi ginesh ogimagiminan. Ogwa agi tebwech oma kichogima, kanaji kadidagonsinon anishnabe aki kak agwa kidamanenjigech minach medodowegwam kinamagewin wikat. Kichogima ogigwede kadigabidenmuc kina anishnabec aki.

Kanwikat minach ogimanenjigesin, Nimitataynan, Niminchinowesamin, mamiattugut

nichi mino kabamadisiwin, kedaminasek kagi onashtok anishnabec kanamagewin, medodowegwam kinamagewin kagi mojidinanyun kimachtauk september 19, 2017. Weskotch odimtauk amikinowin anishnabe omadisiwin anishnabe aki, nogom dish aji kichogima saganash wii pasigwi oji anishnabe kadiwidokwagin anishnabec.

Medodomegwan kaji tebwed kidjaminisec. Nogom dish aji wikinamowan Canadians mamwi anishnaben kidawidokidadiok oji nogushkidadwin kidamaskwisimagoc kina gegon iwedi anishnabe aki.

Odinin kizis 11, 2018

Mitchi kichogima canada-kanata  
kadamisenic Stephen Harper,  
Kitci Ogima Canada

